



Broj: 05.10-04-31246-130/26
Sarajevo, 03.08.2026. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Faruka Selmanović (3) - dostavlja se
Veza: akt Skupštine Kantona Sarajevo broj: 01-04-31246-3/26 od 17.06.2026. godine

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-31246-3/26 od 17.06.2026. godine, sa zastupničkom inicijativom zastupnika u Skupštini Kantona Sarajevo Faruka Selmanović na nadležno postupanje. Zastupnik u Skupštini Kantona Sarajevo Faruk Selmanović, je u skladu sa članom 212. stav (2) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24) na 31. radnoj sjednici Skupštine Kantona Sarajevo, uputio zastupničku inicijativu: „Inicijativa radi provođenja nadzora i dostavljanja potpune informacije o okolnostima donošenja novog Statuta KJKP „Vodovod i kanalizacija” d.o.o. Sarajevo, kao i svim posljedicama koje je njegovo donošenje proizvelo na organizaciju, upravljanje i poslovanje ovog javnog preduzeća”.

Odgovor zastupniku

Postupajući po inicijativi dostavljenoj ovom ministarstvu, a koja se odnosi na provođenja nadzora i dostavljanja potpune informacije o okolnostima donošenja novog Statuta KJKP „Vodovod i kanalizacija” d.o.o. Sarajevo, kao i svim posljedicama koje je njegovo donošenje proizvelo na organizaciju, upravljanje i poslovanje ovog javnog preduzeća, ovo ministarstvo je uputilo akt broj: 05.10-04-31246-24/26 od 26.06.2026. godine, prema KJKP „Vodovod i kanalizacija” d.o.o. Sarajevo, radi dostavljanja očitovanja. Aktom broj: 4969/26 od 07.07.2026. godine, dostavljeno je traženo očitovanje koje vam u prilogu dostavljamo.

S poštovanjem

Prilog: kao u tekstu


MINISTAR
Mladen Pandurevic

Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja /inicijative,
4. Evidencija,
5. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO
PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg. 21.005229
Sjedište: ul. Jaroslava Černija br. 8, tel: 033/237-655, 033/483-400, fax: 033/440-658, www.viksa.ba
e-mail: press@viksa.ba PDV-IB: 200151950004, ID: 4200151950004

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Ministarstvo komunalne privrede, infrastrukture,
prostornog uređenja, građenja i zaštite okoliša
Ul. Reisa Džemaludina Čauševića br. 1
71 000 Sarajevo

13-07-2026

Sarajevo, 07.07.2026. godine
Broj: 4963/26

[Handwritten signature]

[Handwritten initials]

10-07-2026

[Handwritten number: 31246-64]

Predmet: Očitovanje, dostavlja se

Veza: vaš Akt broj 05.10-04-31246-24/26 od 26.06.2026. godine

Odgovor na zasupničku inicijativu

Poštovani,

U nastavku dostavljamo odgovor o okolnostima donošenja izmjene Statuta KJKP "Vodovod i kanalizacija" d.o.o. Sarajevo.

1. Izmjena Statuta

Nije donesen novi Statut, već su izvršene izmjene postojećeg dana 28.04.2026. godine, gdje je izvršeno objedinjavanje sektora, te su pojedine odredbe usklađene sa Zakonom o privrednim društvima. Sve izmjene su donesene s ciljem unapređenja organizacije rada, povećanja operativne efikasnosti, racionalizacije organizacione strukture, kao i usklađivanja sa važećim zakonskim propisima.

2. Predlagač izmjena Statuta

Predlagač izmjena Statuta je Uprava Preduzeća, koja je većinski u istom sastavu skoro pet godina, što joj je omogućilo da stekne detaljan uvid u poslovanje i potrebe preduzeća. Uprava preduzeća je kroz svakodnevno praćenje procesa rada i neposredan uvid u funkcionisanje organizacionih jedinica i rada zaposlenika, uočila potrebu za izmjenama te predložila njihovo donošenje radi unapređenja organizacije rada i efikasnijeg poslovanja Preduzeća.

3. Potrebne saglasnosti

Izmjene Statuta donesene su na osnovu prijedloga Uprave Preduzeća, nakon što je prijedlog utvrdio Nadzorni odbor, a konačnu Odluku donijela Skupština Preduzeća, koja je u skladu sa Statutom. Prilikom donošenja izmjena Statuta nadležna za donošenje Statuta, kao i njegovih izmjena i dopuna. Prilikom donošenja izmjena Statuta ispoštovane su sve propisane procedure. Saglasnost nadležnog ministarstva za donošenje izmjena i dopuna Statuta nije propisana niti je bila potrebna. Također, ni Zakonom o vijeću uposlenika nije propisana obaveza pribavljanja saglasnosti reprezentativnog sindikata za donošenje izmjena i dopuna Statuta.

4. Izmjena unutrašnje organizacije

Nakon usvajanja izmjena Statuta, donesen je novi Pravilnik o radu sa unutrašnjom organizacijom i sistematizacijom radnih mjesta, koji će se primjenjivati od 08.07.2026. godine.

Banka: UniCredit Bank dd: 3389002208274753, Raiffeisen Bank dd: 1610000063850067,
ASA banka dd: 1344701006766091, Intesa Sanpaolo Banka dd: 1549212006139057,
Sparkasse Bank dd BiH: 199 499 00001979 93, Bosna Bank International dd: 1413065320199704,
Ziraat Bank: 1861010310521757, Addiko bank: 3060003194696425, ProCredit Bank: 1941411248800192,
NLB Banka: 1320202029803424, Union banka dd: 1027080000080567



Područje certifikacije:
Proizvodnja i distribucija vode i
odvođenje i prečišćavanje otpadnih
voda u Gradu Sarajevu i u općinama
Veogošća i Ilidža

5. Organizacija rada

Izvršeno je spajanje Pogona vodovod i kanalizacija, kao i formiranje pojedinih novih službi.

6. Dokumentacija

Kao što smo Vam već naveli, osnov za predlaganje izmjena Statuta predstavljaju svakodnevni procesi rada, neposredan uvid uprave u funkcionisanje organizacionih jedinica, kao i uočene potrebe za unapređenjem organizacije i efikasnosti poslovanja Preduzeća. Iz navedenih razloga nije sačinjavan poseban elaborat niti druga posebna analiza.

7. Planirani ciljevi

Kao što smo već naveli planirani ciljevi su unapređenje organizacije rada, povećanje operativne efikasnosti, racionalizacija organizacione structure i procesa rada, jasnije definisanje nadležnosti organizacionih jedinica, efikasnije upravljanje ljudskim i materijalnim resursima, brže donošenje odluka, unapređenje koordinacije između organizacionih jedinica itd.

8. Konkretni pokazatelji

U vezi sa navedenim pitanjem već smo Vam u cijelosti odgovorili i obrazložili u prethodnim odgovorima.

9. Analiza efekata

Analiza efekata nije izvršena, s obzirom na to da Pravilnik o radu, kojim se uređuje nova sistematizacija radnih mjesta još uvijek nije stupio na snagu. Do njegovog stupanja primjenjuje se važeći Pravilnik o radu, te reorganizacija još nije implementirana.

10. Reorganizacija

Kao što smo naveli, novi Pravilnik još nije stupio na snagu, a kada stupi osnovne organizacione promjene odnose se na: Smanjenje broja sistematizovanih radnih mjesta sa 1.092 na 985, uz očuvanje zaposlenosti; ukidanje starih i formiranje novih organizacionih cjelina, spajanje ili razdvajanje postojećih cjelina, objedinjavanje Pogona Vodovod i Pogona Kanalizacija, objedinjavanje određenih službi, čime je smanjen broj rukovodilaca i službi, što donosi direktan ekonomski benefit, ukidanje dosadašnjih radnih mjesta i sistematizaciju novih, izmjene naziva i opisa radnih mjesta gdje se ukazala potreba, te utvrđivanje i izmjena koeficijenata složenosti poslova u skladu sa Kolektivnim ugovorom.

11. Ured za borbu protiv korupcije i Kantonalna uprava za inspekcijske poslove još uvijek nisu vršili nadzor nad postupkom donošenja izmjena Statuta i Pravilnika o radu.

12. Stvaranje novih pozicija i pogodovanje pojedinim licima

Ne postoje nikakve činjenice niti indicije koje bi upućivale na to da se reorganizacija radi s ciljem stvaranja novih rukovodećih pozicija ili pogodovanja bilo kojem pojedincu. Naprotiv, izmjenama je smanjen broj izvršnih direktora, smanjen broj rukovodilaca, što potvrđuje da je cilj reorganizacije racionalizacija organizacije rada i unapređenje efikasnosti poslovanja. Sve aktivnosti su provedene u skladu sa važećim zakonskim propisima, bez ikakve namjere pogodovanja bilo kojem licu ili zaobilaženja zakonskih procedura.

S poštovanjem,

Dostavljeno:

- Naslovu
- a/a



Direktor

Adnan Šerak